

銅鼓書常遺橐

銅鼓書堂遺稿卷三

宛平 查禮 恽叔

己未

元日懷海寧家七倫兄用家德尹伯戊戌元日枕
上詩成寄初白嶺南次章韻

元日風光暝閒吟忽憶兄家庭分長幼兒女喜同行梓北
橋南路花前雁後情何時重把臂樽酒得頻傾

懷吳中林

幽思涵芳蘭生意滋枯柳林端好鳥鳴天涯憶吳叟論道
望及肩談經慨白首文史足三冬又歷傳柑候殘雪妬早
梅圓月勸杯酒良會在知心何當別離久

人日過周月東卜硯山房觀鄭簠八分小篆冊子

用杜少陵李潮八分小篆歌韻

春蓂初報布七葉春冰漸薄如秋雲盡說今年春暖早疎
梅已放香三分呼朋共走卜硯宅主人好古徵博聞叢聚
蟲書似蝌蚪眼明贗本畱其真就中篆隸擅造化夜應泣
鬼晝駭神開函已識谷口筆徐觀愈覺心魂親想當揮灑
日特立無與鄰風流既往不復得至今縫帛思其人近來
嗜好多皮相燕瘦環肥異趨向莫如吾友衡鑒精是否加
之項誰強直沽水黑孰竝肩朱大導江墨蹟壯二子風力
咸豪宕與鄭誠堪稱輩行斜陽忽在戶飲酒還高歌歌成
聊復就君問問我詩中意如何

答葛壻書馮敘九張少儀陳以舟見過水西莊之作

水西晴雪照千塍
村墅風多未試燈
梅怯餘寒剛破萼
憐輕暖漸融冰徵歌
那得梁閒繞待月
還看樹杪升誰信
嘉賓翻作主
深情如酒釀難勝

荅摺書少儀水西莊聽歌三首

鵝絃鐵撥唱涼州
寂寞人閒李近樓
今日地衣紅皺處阿
誰一串似珠喉

宵分鸕鷀舞凌兢
三寸瓊鈎一束綾
多謝東風好
擡舉萎花吹上最高層

聽到樓臺鶯轉時
雜花滿徑柳縹絲
樊川定有傷心句
更遣新聲譜竹枝

春日同余荆帆汪西顥胡文錫遊牛氏南溪分賦
得林字

雲薄釀春陰名園近易尋水禽鳴有族野客坐無心溪淨
浮晝影牆低度梵音小橋時獨立殘照入深林

和萬循初楊村對月見懷原韻

歷歷雁拂雲泠泠魚吹岸雪消晴色融風暖春冰泮懷人
動遐思長嘯撫琴嘆花夕然村煙漁燈暗河畔俯仰清境
殊星影稀霄漢把酒起徘徊冰輪缺已半

題文衡山枯木竹石軸子

有石瘦而綈有木疎而爽木德誠支離石態亦骯髒列竹
遮其旁欲作風雨響節節金鐵堅有直無曲枉衡山手通
神一筆含萬象命意咫尺閒取勢在尋丈自云比東坡今
昔誰下上倘爲賈收贈後必獲奇賞兼之對此君日夕資
俯仰枯中生趣多慎勿譏崛強

正月晦日余荆帆汪西顥胡文錫集飲水西別業
有懷趙端人萬敬懷循初兄弟在都卽席分賦得
十四鹽

西莊尋禊事把酒坐沙尖雁過晴雲斷潮來春水添曝書
香滿砌放竹綠侵簾遙憶京華客離懷此日兼

贈余荆帆

簾垂晴色鳥聲融幾載湖山夢越中浣浦江雲帆影白苧
蘿村雨杏花紅釣絲空繫微茫月鄉信虛傳斷續鴻靜裏
長吟詩律細謝公清興有誰同

掃地焚香夕復晨楓溪舊是一閒身世從涉後心逾淡形
到忘時誼倍眞外館無魚慚作主小亭有鶴解畱賓莫辭
滿酌麻姑酒二月津橋柳正新

得高五雲都下書

美人隔秋水三年斷飛鴻相思對古月笑語何時同陽和
布芳澤百草搖春風忽馳尺素書寄我津河東開緘猶把
臂宛轉心神通青門在密邇咫尺蓬萊宮驅車莫晚早晚
慰怒如衷

香河縣

未渡扳罾口孤村入舊途沙深埋馬足風峭割人膚禿樹
啼鳥鵠荒郊走白狐何年鐵佛臂寂寞鎖浮圖

百家灣

在香河縣北其水無源四時不竭長安客
話云有居人百家淪沒於此風雨晦尚

聞雞犬之聲

一灣春水與隄平潭底龍堂剩幾楹客話長安風雨夜誰
聞犬吠又雞鳴

三河縣

匹馬隨芳草巖城綠樹環南橋俯汎北郭倚靈山嗚咽
春笳亂崎嶇古道艱相逢多旅客誰似白雲閒

百草溝

空堂卻喜俯郊垌雨後苔痕滿戶庭草色乍回前度綠山
光已露上盤青葱葱短樹春來植恰恰流鶯夢裏聽自笑
看雲閒不得溝邊擬築小茆亭

過固縣里訪尤孟仁

振策薊門西平沙濕煙霧言尋固縣里徧歷環山路騁目
得喬林白楊臨水布云是高人廬三年此哀慕入門茆屋
低四壁堆竹素掃地可敷襟促膝喜共語感君道氣深使
我鄙吝去余家百草溝新種青松樹望隔一牛鳴相過百

餘步春風鼓晴和柳色迷溪渡欲別屢遲回斜陽展孤墓
何妨日往來習靜幽棲處

馬上望塞北諸山

好詩多爲看山成今日閒吟馬上行北望羣峯青歷歷一
峯陰又一峯晴

平谷縣

路入無終國盤陰草色齊疇平孤縣小日午四山低花好
尋遺阜泉甘覓舊溪行人頻駐馬煙外聽長嘶

紫丁香花歌爲杭大宗編修賦

春陽作暄花事穠萬卉爭光鬪嬌嫋嫣紅姹紫紛陸離如
火如荼塞亭圃就中丁香尤麗都李俗桃輕迥難伍我家
結廬城南鄉曠者宏田奧宏宇茲花開日春正妍不惜樽

罍醉簫鼓今年春作城中遊軋軋雙輪碾塵土臨風怊悵
歸去遲竊恐飛英落如雨松吹先生我故人庭有名花恰
當戶登堂靜對娟娟容彷彿南鄉花乍吐高枝似裊紫玉
煙低影還如紫雲舞柔肌纖骨不勝扶細眼明眸疑欲語
蒙苔亂蘂笑紫荆更比紫薇重難舉羨君深院金屋同貯
此娉婷十三女看花有客昨朝來聞道吟聲滿環堵惜哉
良會小差池未及花前倒清酤繁華盡逐風波流已去韶
光喚誰補先生高致超尋常一室從容考今古晨昏坐臥
清香生身與名花合稱主此花自昔少畱題喜見詩成羣
玉府牀頭如輯種樹書應採瑤章入花譜

送萬循初歸秀水

津橋送遠客把酒酌鸚螺一夕分襟處三年共嘯歌離亭

金壹
新雁少歸路舊山多料得抽帆日南湖水似羅

屋南小築落成

城市異山林日有車馬跡誅茆結構成聊以娛晨夕開軒
避塵囂置戶傍林隙所貴樸素材不尚丹與碧晴煙時遠
近好風還絡繹佇看雲無心胡然爲形役

贈田在田助教

前輩音徽散似雲別裁僞體阿誰分巋然尚有靈光在濟
水才名獨數君

嘯傲林泉願已償白頭仰屋著書忙田何老去蕭騷甚海
鶴丰姿六十彊

山薑花發雨絲絲畫省郎官退食遲日下至今傳盛事移
居和偏砌綾詞謂司農舊事

悟出無絃指上聲辦香祇合拜新城論詩七字真超絕雨

雪空山萬籟清

獨立空山雨雪中先生論詩句也

八體摛文迥出羣硯思清韻舊誰聞何時潑墨晴窗下看

寫羊欣白練裙

觀思齋集有論書絕句三十首

竹翠梅黃五月天昨來載得米家船卻敎舊雨聯新雨共話平陵七十泉

五月十日若槎坐雨同汪西顥陳江臯心穀伯兄分賦得一東

連朝梅雨濕溟濛曉倚疎窗畫舫同鏡裏雲巒高下處水邊煙柳有無中眠鷗靜聽流泉響低燕斜翻卷幕風坐客漫歌欸乃曲滄洲清興渺難窮

送田在田歸德州

方山叩杖叟物外自忘年篋守司農硯書傳西圃編司農
公授硯一枚因其集日硯思離筵酣白雨歸艇破青煙何日還攜酒重觴麥浪天

履方仲兄四十初度

壯歲光陰似擲梭問兄離思近如何親饒白髮能彊飯政在清時且放歌瓜字洲邊歸夢遠茱萸灣外夜涼多海門一水同秋色誰共移樽賞碧荷

送張少儀鴻勳李開地程軼青還吳門

離筵別酒太念念秋色平分遠近同沽水雁來蘆正白吳江人去豆初紅物情共覺浮雲淡詞賦爭誇研地雄後夜相思何處最小樓明月一襟風

過李向叔齋中

露白桐陰碧張琴坐石牀晚餐無二味古墨有千行趣自安閒足言因欲辨忘歡然樽酒罷長嘯倚斜陽

九日登午晴樓

城南秋色與闌齊四望晴無宿靄迷半畞菊開花影瘦重簷風度雁聲低交頭杖喜高堂健九醞漿空滿筭攜同是年年憑眺日今朝獨上小丹梯

送家貢木先生還海寧

葛藟庇同根沆瀣通一氣族姓古所敦師承昔所貴二者況合并尊親道兼備吾師繩祖武風雅遠未墜賜書充棟梁晨夕勘同異煌煌披述作大璞振奇麗慷慨爲歌詩醞藉皇古意憶昔來直沽余歲猶童稚懷鉛受誨言捧經問疑義幾度裘葛更不爲風雨置一別阻關河暮想日翹企

今來喜欲狂驚此日月逝深情出肺肝快語傾篋笥秋高
菊正黃凜烈寒吹至端擬坐長宵勤勤問難字何事遄歸
心迅發難再制人生憑造物升降隨位勢奈將經綸手遠
置閒散地迢遙江以南山水詎衡泌如聞鶴唳聲頓結尊
鱸思唱和松陵人遠勝玉局吏月憐吳苑明酒向楓林醉
余思負笈從親老志難遂惟當早梅開殷殷望驛使

送趙端人孝廉歸錢塘

離人如岸樹葉葉逐風疎君自多同調吾應歎索居相思
憑夜月通問有河魚春草來年綠尋蹤庶慰余

送汪西顥徵君歸錢塘

憶昔相逢鳳城裏雪花如掌空中團銅街紫衢凍車轍翔
風迴舞侵肌寒意外喜得覩君面和氣如春眼界寬旋嗟

良會不終日我馬仰首千蒼鸞
枯林積素萬籟寂翠屏削玉
醴巒峩急整歸鞭歲云暮有約
君亦促征鞍人生作合固萍水
無如臭味同荃蘭謳吟每共徹
丙夜搜討更與忘晨餐韶華一瞬
嘆逝川候雁三振南飛翰旅人忽興懷
士念破曉買棹津河干顧謂主人此小別
休悲絲竹煩吹彈主人奈殊遊子意臨風不覺使心酸
君家西冷煙水闊聞雲來往樓簷端短短
梅花香繞屋臘底春初應飽觀看梅須憶
鳳城雪夜翦燭燭淚乾

送趙北野先生還諸暨

玉繩指孟冬征途寒氣肅我師久懷歸晴帆挂十幅
摵衣走河干蕭蕭響林木恨無南來風回波轉去舳越樹隔江
雲遠遮千里目遙知五洩山黃葉深埋屋

寄樂兼思平谷

挂月峯邊客淹留老歲華打窗松子落拂檻茗煙斜清韻
流寒澗孤懷抱晚霞相思紅樹隔望斷海天涯

雪後陳汝咨觀察招飲恆齋賦謝

風吹雪花綴枯木南雁聲寒樽酒綠酒酣四座交清言瓊
雪霏霏勝絲竹妙墨連牀發古香筆花更有崔徐裝是日觀退
谷小楷墨書并南
田設色櫻桃短幅流觀苦恨斜日短欲別未別心彷徨馬
蕭蕭鳴未已車碌碌無定軌歸來幽夢疑千里何時重醉
玉梅邊紅燈卻月搖青煙

食沙雞

塞外有異鳥其色黃而薦謂從沙土出色亦如沙然非鶴
非鳶更非鴨形似山雞體似鴿有足三趾昔毛拳有尾岐

若雙莖插人言此是突厥爵性慾不共凡爵躍知雄守雌
於道宜衆雄雖猛莫敢先雌馳張羅控弦呼鷹走健兒飛
伏難逃誰復論雄雌客自遠方爲我贈故知載燔載炙以
佐鹿腸兔首牛尾狸在昔周公著爾雅寇雉名居釋禽下
世無善讀爾雅人茲味雖佳知者寡人生嗜欲與歲新豹
胎鳳肺亦擬充常珍寧知異味美卽疾食郎何必猩猩脣
此鳥雖奇幸無毒煖氣蒸騰補中腹重簾晝捲爐火溫那
畏嚴寒利如鋤聞道塞門雲氣陰陰山臘雪今年深陰山
深雪如堵沙雞來賤似土

庚申

正月至八月

早春讀書味古廬梅花下

有序

去年秋自江淮閒得老梅三十餘株悉位置於味古廬下

春來作花頗繁更於窗壁閒徧黏畫梅名筆數十幅又雜以古今梅花佳詩賦數十篇日吟哦坐臥其下覺我身心與梅無二而香氣襲人惟古書奧味足以敵之

高低相映燈前月紅白爭春雪裏枝來處未煩江左驛開時勝寄隴頭詩壁添健筆摹清影坐擘新箋續古詞誰似劍南同此癖一翁一樹有餘思

春夜曲和心穀伯兄

凝香不散重簾靜簾外縱橫聚花影薄寒猶解翦紅衣一曲珊瑚鉤正冷隔院微聞絃索鳴嘈嘈切切遠含情美人自學翻新調不作當時子夜聲光陰荏苒如飛電海水東流無日轉遵渚初傳歸塞鴻雕梁又欲棲吳燕棲吳燕春將晚庭下殘紅吹漸滿秉燭狂遊惜歲華露華浸透羅衫

短何處清歌聲未已蓮花杓小傾芳醴更籌幾換啼鳥起
月落西南淡如水

元夕寄懷汪西顥錢塘

東風卷朝寒殘雪猶在地雜還會燈期年年此時意疊鼓
聲繁燈火明家家醇酒如泉傾近水樓高試一憑月光似
晝燭春城回思索笑語舊有樽前侶幾載結綢繆今宵曠
鱗羽遙想金湖興正濃四山晴入畫船紅聽歌看舞清波
沸酒半酣時月未中湖草青湖水綠何日北來雙槳速與
君重話上元燈再向西窗翦華燭

燈夜招葛潛書過舍南小築不果來貽詩一首次

韻奉答

最速是光陰回頭無處尋閒遊宜此夜尺素約同心坐久

燈花落愆期 望眼深空教簾外 月寂寞度疎林

牛仲詩大令叔易司馬兄弟招隨家君同遊南溪
奉杖尋遊春正融 南溪冰解小舟通 橋邊聚影毛魚動 沙
際含煙宿雁空吟約 遷歸燈代月 醉扶弱態柳當風 同人
記取城東路芳草迷時興未窮

謝沈畹叔編修惠舊揚禊帖帖係家宮詹仲偉兄
故物

當階轉花影 天末層雲舒 故人侍直暇遠寄雙鯉魚
魚中何所有 不僅加餐書贈我 永和帖價敵千璠璵 上鈐淡遠
印歷歷 鈞丹硃我聞蘭亭本肥瘦常分途一百十七種在
宋已各殊況復數百年輾轉多精麤縱有最善刻豈少榛
與蕪此本極清澈毫髮無模糊稀疎秋蟬翼淡墨層層敷

宛如清冷淵洗出明月珠又如銀塘水初透紅芙蓉吾宗
老詹事鑒別窮髮膚苟非至神品不肖輕誇譽感君漫相
贈欲報慚瓊琚行當攜硬黃日向晴窗摹

懷心穀兄在盤山

二月清溝風正寒山行自覺筍輿安不知碎玉峯前路此
夜方經第幾盤

答見初病中見寄韻

潞河春漲水漣漪尺鯉傳來慰所思聞道維摩方示疾誰
知康樂正吟詩衣裘未可頻添減藥餌無妨久護持遙憶
焚香消永晝滿階花影又參差

小賦歌

有序

余得良馬一雖無追風逐電之能而得按轡徐行之致少

金陵詩卷之三
驥之類因名曰小驥歌以嘉之

陵所云顧視清高氣深穩是也全體淡黑齒甚稚疑古駟
綠蛇紫燕旣難見下駟交馳若飛電九方伯樂未易逢虎
脊龍文價輕賤春當三月清晝長銅街十二喧風揚誰家
裏蹄氣神駿繫我門外雙垂楊點漆盧瞳開滿月竹批兩
耳如筭列乍疑果下遠攜來一片龍從麌賓鐵當階授銜
調淑姿態閒意靜情依依圉人受直馬回顧三花不動臨
空嘶是時山桃紅滿路谷鳥參差喚深樹城南買得青絲
籠獨向郊原試徐步左旋右折光威紆踐草軟過重纏榆
始知良才適人性舉止自與駑駘殊歸來拂拭臨溪水人
道驪駒出清沚何妨蜀錦作障泥更倩珊瑚飾鞭尾君不
見蒲梢天馬同神龍汗溝流血丹霞紅朝遊蒼梧暮碣石

凌厲欲過歸飛鴻又不聞烏號弓開鳴霹靂射雉場前氣無敵韓盧宋鵠誰能先惟有霜蹄去無跡猗歟此馬何安詳恥隨凡伍爭翹翔人生到處多羊腸何必九坂回王陽樂府當年歌肆夏和鸞比德宜風雅老杜曾吟深穩詩至今想見韋侯馬

題張天扉檢討使滇集後

滇池何遙遙乃在黑水之南且蘭之右紛紛百僰自君長周世曾聞獻短狗楚王孫子武且雄霜戈月羽通南中至今遺民猶能祀莊蹻蠻謳黎鼓聲籠銅嬌花歲麌徧冬夏四時常若三春融又聞漏天晝夜恆苦雨曾無三日吹乾風南華山人玉堂客奉使觀風到鞮譯朝驅驄馬辭皇州暮詠新詩盈驛壁青龍灘頭波浪高割波很石鋸於刀

其上青天望常黑其下惟有鼈鼈魚鼈蛟螭鼈誰歟清音
振林木乃是山人長嘯淩驚濤密箐蒙苔雲似障石角藤
梢勁相向汗流絕磴不知疲欲就雲端窮萬狀褒中十斛
青氣氲攜到幽齋自開放千回百折來溟池登高懷古多
所思石虬亭邊煙霧動海潮寺外峯巒齊何況寶珠徑寸
璧徑尺盡作狹公籠內物遠方從此歌得人雅鑑澄泓朗
於月我今細讀山人詩眼中如見蒼山奇溯源牂牁之窈窕
循昫町之嶮巇蒟醬筠竹隨地皆可致便欲促王褒逐司
馬遠尋碧雞金馬之荒祠碧雞金馬不可至把卷低徊盼
天際星斗離離繞奇字墨痕猶瀆西南翠

四月九日招同紫仙荆帆峩仲江臯循初文錫集
水西莊送摺書還崑山分賦得行字

綽湖窈而曲萍葉緣湖生綽山秀且蔚松影緣山明伊人
別我去遙歸西鹿城沙邊偶獨往林際時閒行開門綽山
近鼓櫂綽湖清莫厭登樓望歸飛雁字橫

題心穀兄盤山記遊集後

一綉芒鞚杖一枝薊門深處抉幽奇登高步與浮雲近歷
險身如怪石危春色輸君先得句秋山待我再題詩臨風
把卷窮林壑勝向人閒圖畫窺

哭家天來大姪

日下歌朝露津河慘暮雲幾年風雨共一夕死生分兜率
歸何速芝蘭植易焚閒窗尋舊帙不厭讀遺文

嗟爾零丁早生坎輶多長愁劉峻傳交謫衛臣歌異地
同塵塈他鄉老薜蘿此身行萬里不復涉關河

寂寞泉臺杳，樓蹤癸地賒。
無兒陳麥飯，有女泣樽花。
淥水波如舊，吳山日易斜。
他年醉酒處，宿草又天涯。

藕香榭前試舟同獻珍循初文錫

碎雨斜風頃刻收，板橋初就放新流。
耳根眼底饒幽趣，無數黃鸝共白鷗。

小舠無櫓復無檣，恰好同人泛野塘。
篙激浪花沾袴濕，釣竿回指綠楊傍。

紅螺杯小幾巡行，醉倒船頭晚照明。
不得舊時溪口路，但聞山背桔槔聲。

送張少儀武昌

山水鄂都遙，無因送海潮。
相思吳苑客，未返楚江曉。
雨魚連市春，風柳萬條離。
情與古意好，爲寄詩瓢。

題王石谷倣趙大年村居圖

十里連桑麻雞豚聚晨夕嵐光入戶牖樹影映牆壁盈盈
夾隄水斜浸柳絲碧水鳥自去來草堂自岑寂我有田居
懷結想在阡陌披圖若故林宛逐耕犁跡繫誰爲此圖烏
目煙霞客仿古得其神毫端涵古色由來蕭曠意不僅筆
與墨斯卷千秋畱斯人不可得

和沈永之孝廉見寄韻

迢遞南州一水通魚書千里附郵筒共知人對若西月誰
信舟如江上蓬舊夢憶殘燈影外新詩敲就櫓聲中幽期
果踐來年約願托津頭五兩風

同西顥江臯循初集香雨席試百花酒分韻得一

東

淺酌蘭陵美光爭琥珀紅傳來自鐵甕較昔勝郵筒味必
中冷釀貪知慶井空醉時更漏靜雨過響蕉叢

寄李仁山姊壻項城用杜少陵奉寄李十五祕書

韻

綠暗中庭樹清陰撲袂來懷人頻折簡望遠忽登臺城隔
袁公舊邦傳項子開經年梁月意馬首幾時回

題曹曙瞻二丈灔湖漁隱圖

灔湖麗且清煙月常瀲灔湖清且平風波不傾險嶼遙
先生老漁叟浮家恰近灔湖口蓑絲十里隱瓜廬蘆葉連
洲隔松牖漁艇出菱塘理釣洲渚傍眼前無俗物沙鳥時
迴翔纖塵不起空萬慮影靜垂楊最深處秋霜春露飽經
過歲月悠悠任來去君種灔湖樹我掩直沽扉直沽水雖

清不及渤海肥他年買棹兼漁具來伴先生坐釣磯

雨中小丹梯逭暑

雨徑少人跡憑欄縱目遙雲埋沽口寺帆送海門潮涼意
初侵簾風聲欲碎蕉不須三雅飲獨檢舊詩瓢

中元登海光寺樓寫望同張鴻齋汪西顥陳江臯

萬循初分賦得八庚

暑退涼初至登樓客思清魚簾橋外密稻隴寺前平雲起
連潮色風過帶磬聲佛香吹不斷斜日射孤城

秋夜讀書廊對月懷摺書

夜深人語寂涼吹動秋風仰觀明月光皎皎當天中照我
杯中酒酒清天色空豈不願沈飲惜無良友同良友在何
所玉山渺穹窿別時聽殘鶯今已鳴秋蟲秋花媚幽砌衰

草結幽叢登臺望吳會煙霧昏濛謬諒非參與辰衷情良
可通徘徊星漢閒孤雲忽自東何能托羽翼共作雙飛鴻
相思不能寐落葉響疎桐

題周月東所藏陳方來七峯圖冊子

周君愛古如愛山搜羅不惜窮辱顏舉眼欲出秦漢上置
身宜在邱壑閒昔年示我七峯之古印土花斑爛含繡暈
余時曾作慷慨歌題君壁上鴉成陣今朝示我七峯之新
圖嶮嶒怪石如犀株墨痕都作蒼翠色雲煙欲活相蟠紆
七峯乃是七洞天十山之中百尺巔中藏異書數萬卷披
圖使我心悠然未見七峯書聊續七峯句三山九疑自此
去何當更倩西巖添短亭寫我從君來往處

送吳思立先生之西安幕

傳經懷昔日風雨隔南天鼓棹來千里離筵已六年青山
紅樹外白髮綠樽前且盡侯芭酒升沈聽自然

執手忿忿別秋高班馬鳴上書辭北闕垂老客西京山

色函關路河流渭水聲此行多勝蹟不在府端名

銅鼓書堂遺橐卷二終

男淳孫
林樞
校刊

銅鼓書堂遺藁卷四

庚申

十月起

宛平 查禮 恽叔

渡子牙河

河西岸卽太公祠

逝者如斯晝夜流蒼茫百里向滄洲渭濱無復西周土父老翻思北海儕籠岸煙寒鮭菜艇沈波月墮釣璜鉤舟人指點崇祠在不獨千秋姓氏留

大城道上

景短覺途長北風嘶倦馬征衣寒色侵西崦日將下舉目悲蒼涼冬氣森郊野村墟半榛蕪炊煙冷古瓦落木正蕭蕭聲如細雨灑旅情憤茆店遑思棲大厦遙遙望青帘有酒未及把攬轡一長吟離思爲誰寫

宿東城鎮

停車暮宿東州城無復當關擊柝聲小郭三重成斷隴至今猶說漢軍營

如林鄉外盡蒿萊繞屋寒鴉陣陣來最是客懷淒絕處曉風殘月弔荒臺

河閒懷古

白沙飛沒晚煙中落葉無聲萬木空獨我尋詩博士墓更誰問禮獻王宮馬嘶古道連衰草雁叫長天趁朔風漫把一鞭頻悵望瀛臺惟有夕陽紅

尋麌義壘不得

漢室解綱維九域起塵埃山東諸侯蠶食各自大桓桓袁本初遠近交倚賴本是君山孫宵爲董公拜巍峩幽冀

部河閒實要害既奪韓馥權復拓公孫界
想麴將軍於此聚精銳刁斗肅嚴更轅門
畫垂旆遺跡不可得枯木響虛籟燐火息
幽魂河聲怒澎湃

肅寧縣晚眺

小雪風初勁衝寒過肅寧獨慚雲自在誰管葉飄零落日
燒空際飛鴻沒杳冥射雕何處客走馬喜駒駒

沙河待渡

煙外微聞射鶩歌臨流兩兩見青蓑愁風愁雨生來慣不
向船頭拜浪婆

陰霾宿霧卷征鞍瓠瓠黃蘆野渡寒呼艇不來人獨立一
行沙鳥下前灘

蠡縣道上

蠡湖本漢邑博陵尚孤聳河流今昔改故道黃沙擁雁高
沙草衰壓岸嚴霜重天寒白日速道遠行人恐挾策歌慨
慷慨古思如涌佇弔宣成侯浮雲度高隴

博野縣

側帽垂鞭趁午炊嘈嘈野爵出荒籬
雲如墨征鴻斷宿草凝塵客路疲
縹紗笙簧八臘廟蕭條風雨二程祠更聞
舊淀名君子覓句因誰問碧漪

祁州

迢遞蒲陰道風迴馬足塵蟾池村寂寞龍井石嶙峋詩業
推楊果忠魂泣沈斌經過無限意休問路旁人

飲雲歌

有序

祁州靜虛道院舊有孫道士蓄一鹿每入山必騎以往後

孫遠遊不返鹿失所依食飲田野閒孫弟子某每欲賣之輒悲鳴不已而止予適往觀頗愛其馴而鹿亦頗有依依之意遂買以來名曰飲雲作歌以誌之

白雲一滃仙都靜洞戶無人松抱影松根忽聽鳴呦呦聲
亂松濤鐘磬冷長睂紅頰雙童子聞客開門迎客喜爲言
此院有伊尼錦色斑斕蒼閒紫須臾牽鹿來客前落梅點
點茸毛鮮撫之不驚亦不懼性馴與客相安嫋客問此鹿
來何處云是仙師舊仙馭仙師采藥徧名山此鹿相隨同
旦暮旦遊遠覓陽坡泉暮宿還棲碧澗煙丹山之鸞丹穴
鳳追尋遊戲洞裏天一旦師棄眠雲伴御風自愛飈輪遠
桂戶松扃鎮日閒空留仙馭華陽館馭失仙師思紫芝田
閒宿草空離披獵徒往往奇其姿不敢誤射黃金鏃幾度

拘牽索美利悲鳴不忍傷離意從知仙獸名不虛恥向風
塵逐駢驥我來自愧無仙骨漫想崑崙叩銀闕腰纏解易
仙馭歸同渡沙河夜深月平生騎馬似乘船恐似知章井
底眠從此不愁眠井底醉時聊學地行仙

將至靜海

莽莽西風裏前途望轉修寒煙空戍壘野燒接陶邱塵慘
黃粱飯霜侵白氈裘如何墮戶日猶自遠遨遊

宣德鑪歌

有序

長至後余歸自瀛博杜門墐戶擁鑪繙南北史又家藏宣
德鑪百數十枚竝責小童培火薰炙友人余荆帆過訪見
而異之遲日攜一小鉢盂鑪爲贈亦宣廟古器余因博采
月餘凡宣德最佳鑪均非易得之物乃集宣鑪譜一編編

成更作歌自書於後

宣皇昔日當昇平疆場無警銷戈兵八方清寧四海靜不
思仙掌樹金莖宮中稽古尚文事博放雲罍訪傳器臣斌
頒式臣裳遵上款俱摹宋時製倭源鉛錫暹羅銅渤海泥紫
礦如霞紅鑄錯何論六州鐵刻楮不僅三年工采蘭良辰
日上已帝遣金人來曲水飛廉鼓鞞祥風和祝融司薪蒼
色小書尤重歐陽書上自宮廷下官府琳堂紺苑俱分與
羣言寶氣聚如雲誰識黃金鑠如土星散波移數百年土
埋苔蝕蝸流涎魯人贊鼎先後出甘南施北爭紛然閒來
偶爲搜零落古色年深益斑駁雙魚百乳頗難求象首獅
頭尚如昨當時賜器分羣官六卿之外惟豸冠寧知小几

低窗下反得流金炳如丹吾聞大禹鑄九鼎爲燭山林魑魅影茲鑪但取娛目前玩物之言足深省何似空齋燕坐時胡桃紋炭火初吹閒徵商代夔龍款勝開衡山岣嶁碑

書黃山谷蓄狸說拓本後

摩圍老人有奇氣落筆巖巖若天驥少年得力蘭亭碑晚向黃龍悟三昧吾初摸觚見公字癖嗜直過羹與敵規模猶愛蓄狸篇腕力深沈意英鷺尾題紹聖庭堅記此歲黔州始安置新聲徧唱歌羅詞幽夢遙通夜郎地嗟公此日升忉利惟剩遺縑播人世莫道雙鈞舊勢微筆材猶識吳無至

寄佛日釋子

飛飈奔百卉寒氣侵人衣山僧別來久幽懷如渴飢憶昨

相見初趺坐面翠微各論內外旨黃葉當頭飛門前碧流
水鑑影知瘦肥碧流近作冰黃葉埋禪扉山空積雪深夜
月交光輝想見山與僧奈與靜者違

喜申及甫上舍自都下至招同紫仙荆帆西顚江

臯循初文錫及心穀兄飲舍南小築分賦得九青
寒雲如凍畫冥冥忽報征車遠叩局我數梅花登小閣人
隨臘雪到閒庭眼前誰市千金駿座上休孤雙玉瓶更喜
卜鄰酬宿諾清吟應許百回聽

和家見初兄病中述懷見寄原韻

惟有離懷鬱未舒詩函遠至歲將除病臞莫怪年來甚佳
句端教錦不如一笑睂申王輔國二分腰瘦沈尚書鄉關
莫賦思歸引早晚承恩侍直廬

對酒

日月驚西馳百川駭東注雞鳴扶桑曉鳥息蒙谷暮人感
血氣生諒無金石固與世空周旋何若草頭露秋蘭在臯
澤煙煖幽芬布涼風倏已吹顚頷復誰顧自非餐霞侶難
追鸞鶴步猶有盈樽酒可以托情愫

龍淵非鈍質冶自南山金未逢薛燭識常向延津沈陶令
示無能乃置無絃琴日夕一樽酒聊以佐清吟詩成倩友
書已盡平生心由來寂寞處千古感人深何事逐紛華不
得開胸襟顧影時復醉高風寫遺音

余有小屋一間三面見日寒冬不火自煖循初下
榻於此因憶宋孔仲古爲楊誠齋創一大閣不薪
不炭而煖勝人閒誠齋以小暘谷名之今循初亦

以此名顏屋并詩索和次韻率答

小屋藏梅宛窖蘊三冬晴日此中佳不薪不炭溫如火無
雪無風客暢懷愧我軒楹非仲古羨君文字儼誠齋漫誇
更作賓館深夜銜杯酒似淮

題王潛游歲寒三友圖

風吹銀霰如稷珠打門忽致歲寒圖筆力峻嶒氣盤礴傳
是金源人所作蕭蕭瘦竹疎而清梅花數點似雪明惟有
孤松夭矯不可狀三鼈七鼈駭若蛟虬并誰用銀鉤跋紙
尾歐陽原功雲林子含譏獨有黃鶴樵謂其梅蘂異我江
南梢寧知畫家貴意不貴似此語無乃空喧呶最後井村
人綴句流覽前賢多企慕月寒似聽緜山笙擬共歐倪追
遠步憶昔金源全盛期晏閒乃及中興時曠懷恆舉玉堂

事輕紈灑墨春淋漓黃華山主承恩重繩几形墀常供奉
遺文已許藏蘭臺銜墨還聞賜鸞鳳篤生賢子惟潛游親
承家法仍箕裘流傳至今已閱數百載秀氣挺拔猶覺射
雙眸嗚呼雲煙過眼無停瞬尤物尤爲天所吝君不見真
定當年什襲藏卽今惟剩棠村印

辛酉

正月六日西顥江臯及甫循初文錫集清機小庵
分賦同用昌黎人日城南登高韻

春來始逾旬檐鳥吭欲弄開樽俟嘉賓玻璃磯如凍文宴
古所佳絃管屏不用亦緣丈室小難以容簾從微香簾外
疎笑索梅花共夕陽抱雲歸反憐月色送無愁醉如泥拚
若江東蔚或恨謬誤多令肅敢故縱秉燭趁良宵興盡勿

倥偬過客比光陰斯言足珍重

人日遊大悲院

郭外風初暖遊人趁早梅馬遲穿樹出艇活破水來地淨
眞無垢香消尚有灰大悲心未滅可似月光回

花朝前二日岱瞻釋子過舍南小築分韻得觀字
春風猶自釀輕寒坐看蒼苔上石闌山衲忽來敲竹笠園
蔬聊復佐盤餐詩成勝說維摩法花好應參如是觀莫道
良辰難久住登樓未許晚霞殘

哭曹古謙孝廉

春風和暢榮萬木獨翦幽蘭委荒谷人生夭壽數亦奇皓
首爲期難預卜昨秋草草聚京華同把茱萸醉黃菊共說
來年重九時高枕吾廬看修竹修竹依然榻尚懸回首徒

憐夢境蹙淋漓嘗爲寫剡藤藤色未渝墨未宿早知筆墨
有時窮恨不生絹寫千幅武功員外謝去冬馬思山歿共
于去冬嘆焚芝與折玉惟君先後倍傷情造物戕才抑何酷君家
尚有母倚閣白髮毵毵風際燭那堪新婦怨新昏深淺長
睂畫未熟鶴湖遼闊雲陰陰渺渺羈魂茲往復隻雞斗酒
故人心悵望青門爲一哭

曉雨初霽心穀伯兄招同荆帆西顥江臯向叔循
初文錫過水西莊遂至宜亭舊址歷小園種花諸
處飲趙氏田舍

初晴天氣淡無涯斜插青帘賣酒家遙望水西村路近出
牆幾樹野棠花
黃葦編籬白版扉家家門外野花圍澆花纔畢擔花去三

五成羣露滿衣

晚麥青青早麥齊春風吹浪綺平畦地閒人靜無囂事隔
岸村深叫午雞

聞家見初兄凶信

京華消息太無端遽信枯桑入夢殘禁省尚期聯夜直琴
張從此絕朝彈百篇詞賦雲煙散畢世驅馳泡影闌一事
更教悲徹骨箕裘寂寞旅魂寒
檢點年來贈答書模糊手跡卷還舒加餐辟穀言猶在返
棹歸山願已虛華表有時棲獨鶴泉臺無路寄雙魚欲尋
春草憑添淚鶗鴂聲中夕照餘

初夏雨後園內移花

百卉抱幽姿深淺耀園圃卻喜無纖塵纔洗五更雨含葩

未全敷接葉或半吐頗嫌次第紊整齊在花主繁從南垞
刪疎向北垞補位置得所宜地亦無曠土敢同運甓勞稍
嘗抱甕苦往來芍藥畦香濃日方午

午睡

捲幔鑪煙欲散枕書午夢初回階前花落未落門外客來
不來

雨後憶盤山東西兩甘澗寄法天國一一釋子

雨過氣清和庭花淨如拭遙知澗上松日晴影轉黑疑有
蛇龍藏還愁魑魅匿誰讀名山記蠶粒與辨惑澗泉東西
流晝夜逝不息水說七等中味甘茲未識高僧爲我致煩
我稽古力豈徒云助好聊以慰相憶靜嫌幽鳥喧閒笑歸
雲塞數聲鐘磬鳴禪關景西旻予懷竊耿耿悵望不可卽

寄百超釋子

結就茆菴傍翠微一身惟有鉢相依峯高欲踏層雲上泉落時驚響雪飛渴日兜龍升古井深宵伏虎護禪扉黃精苗長芳辰晚想見南山采藥歸

張灣晚眺同嵩仲及甫循初分韻得來字

臨流方下馬晚步共徘徊岸古沙全坼橋危石半摧煙衝飛鳥沒帆帶落暉來魚網高低挂清渠絕點埃

弔飲雲

鹿鹿我無奇入林徒縱鞍飲雲鹿中仙得之頗驚衆昨自河閒來朝夕堪撫弄角解苔復茁赤色耀蟠蛻毛淺燦若梅照水自珍重知爾愛瑤草曾采靈芝種知爾愛雲液曾掬清泉供無飢復無渴豈患災害中我思仁裕仁將如野

賓送爾憎野賓野戀如白鹿洞白鹿壽難齊影隨隙駒空
乃了夙昔緣能無片時痛或云是尸解銘移鶴骨共秋來
冢草青誰尋蕉下夢

壬戌

繭繭吟

有序

自辛酉夏身罹大故麻衣苴杖往來於三河百草溝悲哀
毀瘠強理喪祭窀穸事畢旋守墓廬期年來何能復理詩
文舊業茲於五月十二日展先大人墓痛是日小祥含淚
聊述數語更不自知所云記曰言客繭繭蓋謂居喪之貌
爰爲繭繭吟

昔知父母年不陟屺岵麓何圖省晨昏旋乃悲風木吁嗟
聽無聲言笑猶在目空復視無形杖履往不復淒涼丙舍

晚日落亂山簇雖云兄弟俱相將伴幽獨無奈罔極恩感
此光陰速檢點三百篇蓼莪今始讀

贈孝子張紫垣

有序

張孝子星煜字紫垣榆次人總角卽有才名及長鄉黨極
稱孝友母病親侍藥餌衣不解帶百餘晝夜至母溘逝紫
垣痛絕死而復甦者數一夜而鬚髮盡白鄉人見之莫不
驚悼乾隆四年

旌異如例

孝友稱張仲君今繼祖風高堂疾不療一夜鬢成翁驚豈
緼書得愁真集字同

聖朝隆至治無事別求忠

百草溝雨後望田盤諸峯

草芳柳翠雨初經
靜愛泉聲倚樹聽
山色遠從天際落
白雲遮斷數峯青

投普度菴

孤寺向夕投炊煙散空庭禪燈照暗壁老僧獨誦經殿古
人跡稀我與佛共聽疎林生虛籟屋角飛流螢深夜不能
寐淡月侵窗櫺

題沈石田荆樹再花圖

連蜷老榦撐青空千花萬花齊發叢間誰寫此入圖障有
竹莊中石田翁石田翁寫此傳是醒愚蒙三人樹底相閒
列年齒雖異貌頗同一興長嘆兩悲泣對花慚愧還鞠躬
云是京兆之田氏祖父積澤貲計豐詰朝炊煙議分割百
年老屋殊西東回頭見荆樹人三樹一荆不公斧斤何可

赦霍霍喧磨礪呼童視樹樹忽頓半死直過龍門桐三人
相向咸感動淚點落迸殘英紅樹也尚如此人也何旨
急還合庖爨終身和輯如斯螽須與樹復活翠影春玲瓏
孝門田氏共傳詠平原內史詩句工君不見瀛州劉斗粟
尺帛六院恆相通又不見義興陳百七十口共室無殊宮
凡今之人莫不有兄弟曷勿鑒於此樹坐看枝葉常青葱

寄高五雲孝廉

都門握手憶臨岐雲水迢遙與夢馳征雁北來欣有信秣
陵西上定多詩騎驢懶赴看花宴製錦先占奉檄期何日
論文重翦燭好憑紅豆寄相思

送萬敬懷之官粵東

百粵太平年之官自日邊前程一萬里如下九重天湞水

荆江遠羊城越嶺偏南征記可續時望寄新篇

題朱峯仲大洋泛月圖爲吳中林賦

生平好讀木華張融賦彷彿洪濤生竹素亦曾廣閱王詵
董羽圖儼升員嶠窺方壺直沽去海百里近裏足不前良
可哂羨君宦跡真絕倫長嘯時時轡蛟蜃昔年八月之正
中曾張布帆趨便風上天下海湛一色月光倒浸玻璃宮
船頭叫絕清樽濃手酌沆瀣澆魚龍長鯨卻走不敢吸惜
哉予無羽翼來相從今日置身圖畫裏明鏡當頭水瀰瀰
何須更向鯤身鹿耳門海在堂均月在指

寄田在田

歸去結田廬誰尋處士居如何三歲別不寄一行書老樹
鳴蟬候疎篁解籜初此時幽約好昨夢到窗虛

秋夜

一天霜月照窗明，欲寫離懷句未成。
只怕西風吹落葉，滿庭如雨作秋聲。

西沽晚歸

西沽水冷野風疎，艇載茶煙并束書。
斜日半林秋柳外，荻花深處賣鱸魚。
石橋西畔斷霞浮，豆子航邊晚市收。
獨坐船頭看雁過，數聲啼破海門秋。

小院

小院秋光薄，微風動落花。
苔痕幽石砌，蟲語夕陽斜。

聞雁

霜月冷淒其，天邊旅雁啼。
聲連還復斷，沽口夜雲迷。

九月二日鄭悅山中翰閔晴巖孝廉舟次津門過訪索沽上題襟集兼以詩投余在三河展墓及歸聞尚未解纜賦此走留

蟹紫鱸肥秋水邊角飛城外暮生煙閒中纔返山中屐沽
上何如漢上編花底吟風中翰句悅山見投詩有有約春潮移艇子可能花底坐
吟風之句潮頭繫月孝廉船扁郎莫唱吳歌去好醉西莊白雁

天

送江臯之揚州

遊心昨已到揚州新曲何當感舊愁風雨滿城爲作餞江淮一水此登舟醉憐紅葉情無限幽約黃花夢可畱廿四橋邊秋寂寞定看霜月憶同儕

過念佛寺訪黃思順

訪友來蕭寺煙寒碧樹秋潮聲喧海舶梵語靜僧樓入饌
毛魚細盈觴菊釀浮晚憐憑眺遠極目到林邱

贈佟鍾山中丞

朝畫山南薰殿暮畫山梁王苑朝山暮山興不孤舊畫新
畫喧九衢千峯萬壑生腕底終年弄筆衫襹烏憶昔公游
半天下山從人面雲傍馬意到酣呼試一揮寂寞還將奇
險寫崎嶇宦途危復安驚波忽過隨安瀾由來起落無定
跡當時只作畫圖看卽今年已七十八見畫依然雙眼豁
我有金壺一斗墨請公暇日爲一潑

舍南小築對月懷循初

西風颯颯響箖箊滿耳蟲聲入夜虛竹逕荒來因避客秋
衣典盡爲收書直沽水冷花黃後小閣燈殘月白初遙想

南湖湖水畔也應把酒憶吾廬

訪周月東不遇

偶乘舴艋過君家茆屋疎籬傍水涯避客羣兒呼鍵戶畱人老僕喚烹茶菊花三徑書聲寂晴日一窗帆影斜暮向渡頭頻悵望西風返棹散林鴉

寄岱瞻上人

風吹雁影遙萬籟靜孤聽爲憶田盤僧日夕初入定悟空一點燈清心數聲磬石罅咽寒泉松子落危磴門外雪花深鹿跡沒樵徑我寄寂寞懷可愜山中興

冬夜懷陳江臯萬循初

空堂寂寂遠靄塵供我蕭騷物外身疎竹響餘前夜雪梅花香逗隔年春爲憐小社添新句翻覺虛窗少舊人爐火

共煨燈共翦幾堪回首獨傷神

又聽嚴城報二更霜花侵幕峭寒生孤舟乍去懷陳烈一

榻高懸待萬庚楓落紅橋波正冷月明醉里夢還清迢遙

南國音書杳目斷江天雁字橫

高翰起舍人自都下至招同潘廷簡汪西顥王逖

先集若槎分韻得二蕭

佳人來海國把酒夜迢迢硯凍詩難就窗明雪未消孤燈
虛四壁冷月淡中宵醉向階前步風生竹影搖

次韻和杭大宗編修冬日園居

竟日虛窗坐生涯筆硯閒居非當要路門自笑常關檣際
風蕭颯階除鳥往還新詩吟又就惟我識君閒

自題畫梅冊子寄家星南兄揚州

殘歲不可留急於蛇赴壑晴窗日影遷拈筆寫凍萼孤根
最奇古直榦亦峩嶺聊狀寒瘦姿幽蹤寓寥廓吾兄久睽
離南北天涯各昨聞攝山長秉教振木鐸生徒肅衣冠執
經侍帷幙餘技探詞源長河豈憂涸揚州繁麗地歌吹竹
西樂數里接清江梅花繞郡郭水曹多賦詠詩興動官閣
千載繼斯文風流猶可作道遠書未通幽懷悲索寞曉夢
落蕪城誰人解騎鶴津門霜雪多闌淡層雲薄南枝寄此
心驛使遙堪托

銅鼓書堂遺稿卷四

男淳孫林校刊